

**Resolución Reitoral de de 17 de xuño de 2020
de concesión directa de bolsa Iberoamérica
Santander Grao a alumnado seleccionado no
marco da convocatoria de prazas de
intercambio en países extracomunitarios no
curso 2020/21**

A Universidade de Vigo e o Banco Santander asinaron un compromiso polo que a Universidade de Vigo recibe un total de 45.000 euros para conceder 15 bolsas de 3.000 euros a estudantado que realice unha estadía semestral nun país de América Latina, nunha institución coa que tanto a Universidade de Vigo como o Banco Santander teñan asinado un convenio de colaboración

O alumnado ao que vai destinado esta axuda complementaria xa foi seleccionado a través dunha convocatoria de concorrencia competitiva de prazas de intercambio en países extracomunitarios para o curso 2020-21, polo que non é necesaria a convocatoria dun novo procedemento de concorrencia. O interese público e social da concesión directa dunha contía adicional está xustificada, toda vez que a convocatoria da Universidade de Vigo non adxudica axudas económicas ao estudantado seleccionado.

É polo que vista a Lei 9/2007 de Subvencións de Galicia, as disposicións aplicables da Lei 38/2003, do 17 de novembro, Xeral de Subvencións e as súas normativas de desenvolvemento, en virtude das facultades que lle outorgan a Lei Orgánica 6/2001, de 21 de decembro, modificada pola Lei 4/2007, de 12 de abril, de Universidades e o artigo 58 do Decreto 7/2010, do 14 de xaneiro, polo que se aprobaron os estatutos desta universidade,

Esta Reitoría resolve

conceder en réxime de concesión directa, en atención ao interese público e social do seu obxecto, 15 bolsas de 3.000 € € a 15 estudantes da Universidade de Vigo seleccionados/as no marco da convocatoria de prazas en países extracomunitarios para realizar estadias en universidades socias para o curso 2020-21, e coas seguintes bases

1. Obxecto.

A finalidade da bolsa é contribuír a financiar o custo da estadía na universidade de destino do alumnado beneficiario dunha axuda do programa de prazas de intercambio en países extracomunitarios.

2. Requisitos

- Estar matriculado/a no curso 2019/2020 en titulacións de grao da Universidade de Vigo que teña adxudicada unha praza de intercambio en países de América Latina, en institucións coas que a Universidade de Vigo e o Banco Santander teñan asinado un



convenio de colaboración, concedidas por Resolución Reitoral de 19 de febreiro de 2020.

- Non ter concedida unha bolsa unha bolsa Iberoamérica Santander Grao en convocatorias anteriores.
- O estudantado seleccionado deberá estar inscrito na web <http://www.becas-santander.com>, na convocatoria “Becas Iberoamérica Santander Grao”.

3. Procedemento de concesión.

A axuda regulada nesta Resolución Reitoral ten carácter singular, polo que se autoriza a súa concesión directa en aplicación do previsto nos artigos 22.2.c) e 28 da *Ley 38/2003, de 17 de novembro, General de Subvenciones* e no artigo 40 do Decreto 11/2009 de 8 de xaneiro, por concorrer razóns de interese público e social.

A selección realízase aplicando os seguintes criterios, ata o esgotamento do crédito orzamentario:

- Nota media do expediente académico, media ponderada coa media da titulación obtida con data 20 de decembro de 2019, empregada para a adxudicación das prazas convocadas por Resolución Reitoral de 3 de decembro de 2019.

Realizada a selección pola Oficina de Relacións Internacionais (ORI) publícase no **Anexo I as listas provisorias de bolsas concedidas e no Anexo II a lista provisoria de agarda para o caso de que se produzan renuncias.**

As persoas interesadas poderán presentar alegacións no prazo de **dez días hábiles**, contados a partir do día seguinte ao de publicación desta resolución, presentando o formulario de alegacións nos rexistros da universidade dirixido á ORI.

Non poderá ter a condición de beneficiario a persoa na que concorran algunha das circunstancias establecidas no artigo 13.2 da lei 38/2003, de 17 de novembro, Xeral de Subvencións.

4. Incompatibilidades

A bolsa é compatible con calquera outra bolsa ou axuda obtida para a realización da mobilidade e en concreto coa bolsa do MEFP e a bolsa de axudas complementarias da Xunta de Galicia para realizar estadias en países extracomunitarios..

A bolsa é incompatible con calquera outra bolsa promovida por entidades bancarias distintas ao Banco Santander ou do propio Banco Santander.

O importe das axudas en ningún caso poderá ser de tal contía que de xeito illado ou en concorrencia con outras subvencións, axudas, ingresos ou recursos supere o coste da actividade subvencionada segundo establece o artigo 19.3 da Ley 38/2003 de 17 de novembro, General de Subvenciones.



5. Dotación e pagamento.

A Universidade de Vigo consignará a cantidade total máxima estimada de 45.000 € na aplicación orzamentaria 2020ORI1121DORI482.10 para o que se achega o correspondente certificado de retención de crédito.

A contía máxima da bolsa será de 3.000 €.

O pagamento da bolsa efectuarase mediante transferencia bancaria indicada polo estudantado do Banco Santander para participar no programa de intercambio e da que deberá ser titular.

Aboarase un 80 % da bolsa tralo envío do certificado de chegada (modelo de documento que será facilitado pola ORI). O 20 % restante aboarase trala presentación do certificado final de estadía orixinal.

6. Aceptación e renuncia

As persoas beneficiarias das bolsas deberán aceptalas na aplicación www.becas-santander.com do 4 ao 12 de xullo. De non facelo nese prazo, entenderase que renuncia á bolsa e inscribirse .

Toda renuncia a unha bolsa xa aceptada con anterioridade, deberá presentarse por escrito.

As renuncias darán lugar á concesión a seguinte persoa da lista de agarda.

7. Obrigas do beneficiario.

O/A adxudicatario/a das bolsa quedará obrigado/a a cumprir coas obrigas que establece a convocatoria de prazas de intercambio convocada por Resolución Reitoral de 3 de decembro de 2019.

A persoa beneficiaria debe de cumprir as obrigas recollidas no artigo 14.1 da lei 38/2013, de 17 de novembro, Xeral de subvencións, que lles sexa de aplicación.

8. Xustificación.

Trala finalización do período de intercambio, deberá achegar a certificación de estadía.

9. Reintegro da axuda e perda do dereito de cobro

A concesión desta bolsa pode ser revogada ou declarada a perda do dereito de cobro polos seguintes motivos e suporá que a persoa beneficiaria reintegre as cantidades incorrectamente aboadas:

- Non cumprir os requisitos e obrigas recollidas na convocatoria.
- A ocultación de datos, alteralos ou manipular a información solicitada.
- Pola perda da condición de universitario/a, durante todo o período de goce da bolsa.
- Incurrir nalgunha das causas de incompatibilidade que se establecen nesta convocatoria.

9. Transparencia

1. De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a



presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

10. Protección de datos

Información sobre a política de protección de datos no [Portal de bolsas](#)

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

O Reitor

Por delegación RR 26/05/2020 (DOG 04/06/2020)

A vicerreitora de Responsabilidade Social, Internacionalización e Cooperación

María Isabel Doval Ruiz

ÁMBITO- PREFIJO

GEISER

Nº registro

U03800192s20N0000009

CSV

GEISER-88e2-cda7-1939-498a-864b-ec68-f82d-ce6c

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

18/06/2020 12:47:23 Horario peninsular

Validez del documento

Original



GEISER-88e2-cda7-1939-498a-864b-ec68-f82d-ce6c

ANEXO I: LISTAXE PROVISIONAL DE ESTUDANTADO ADXUDICATARIO DA BOLSA

BOLSAS IBEROAMÉRICA SANTANDER GRAO 2020-21



Nome	Apellidos	Titulación	Universidade de destino	País	Nota media ponderada	Bolsa
Raquel	Ardao Suárez	Grao en Enxeñaría Aeroespacial	Universidade Federal de Santa Catarina	Brasil	0,9597	3.000 €
Fátima Foade	Daoud Márquez	Grao en Educación Social	Universidad Nacional de Trujillo	Perú	1,0793	3.000 €
Caterina	Estévez López	Grao en Educación Social	Universidad Nacional de Trujillo	Perú	1,0211	3.000 €
Fátima Maria	Fernández González	Grao en Traballo Social	Universidad de la República de Uruguay	Uruguay	0,9327	3.000 €
Brais	García García	Grao en Enxeñaría Aeroespacial	Universidade Federal de Santa Catarina	Brasil	1,0193	3.000 €
Manuel	García Montero	Grao en Ciencias do Mar	Universidad Autónoma de Sinaloa	México	0,9339	3.000 €
Sergio	Gómez Vieira	Grao en Enxeñaría Aeroespacial	Universidade Federal de Santa Catarina	Brasil	1,1480	3.000 €
Iria	González Domínguez	Grao en Educación Social	Universidad Nacional de Trujillo	Perú	0,9978	3.000 €
Andrea	López Otero	Grao en Enxeñaría Aeroespacial	Universidad Autónoma de Baja California	México	0,9084	3.000 €
Georgina	Olivera Piperno	Grao en Traballo Social	Universidad de la República de Uruguay	Uruguay	1,0261	3.000 €
Brais	Peixoto Villar	Grao en Administración e Dirección de Empresas	Universidad Anáhuac Puebla	México	0,9780	3.000 €
Gabriel	Peña Da Silva	Grao en Ciencias do Mar	Universidad Autónoma de Baja California	México	0,9742	3.000 €
Jasmín do Carmo	Pereira Novoa	Grao en Educación Social	Universidad Nacional de Trujillo	Perú	1,1415	3.000 €
María	Ponce Fernández	Grao en Fisioterapia	Universidad de Mendoza	Arxentina	0,9955	3.000 €
Adrián	Solís Gómez	Grao en Enxeñaría Informática	Universidad de Buenos Aires	Arxentina	1,2492	3.000 €

ÁMBITO- PREFIJO

GEISER

Nº registro

U03800192s20N0000009

CSV

GEISER-88e2-cda7-1939-498a-864b-ec68-f82d-ce6c

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

18/06/2020 12:47:23 Horario peninsular

Validez del documento

Original



GEISER-88e2-cda7-1939-498a-864b-ec68-f82d-ce6c

ANEXO II: LISTAXE PROVISIONAL DE AGARDA
BOLSAS IBEROAMÉRICA SANTANDER GRAO 2020-21

Nome	Apellidos	Titulación	Universidade de destino	País	Nota media ponderada
Martin	Barreiros Gonzalez	Grao en Ciencias do Mar	Universidad Autónoma de Sinaloa	México	0,8933
Alberto	Prieto Araújo	Grao en Ciencias do Mar	Universidad Autónoma de Sinaloa	México	0,8834
Celia	Lorenzo Muñiz	Grao en Ciencias do Mar	Universidad Autónoma de Sinaloa	México	0,8574

ÁMBITO- PREFIJO

GEISER

Nº registro

U03800192s20N0000009

CSV

GEISER-88e2-cda7-1939-498a-864b-ec68-f82d-ce6c

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

18/06/2020 12:47:23 Horario peninsular

Validez del documento

Original



GEISER-88e2-cda7-1939-498a-864b-ec68-f82d-ce6c